

STARFSLEYFI

fyrir fiskimjölsverksmiðju Hraðfrystihúss Fáskrúðsfjarðar, Fáskrúðsfirði.

1.0 | Almenn ákvæði.

- 1.1. Verksmiðjunni er heimilt að framleiða fiskimjöl og búklýsi úr fiski og fiskúrgangi. Hámarksafköst verksmiðjunnar skulu við það miðast, að ekki verði um sérstaka mengun umhverfis að ræða vegna of mikils álags á tækjakost.
- 1.2. Verksmiðjunni er skylt að sjá um, að á öllu athafnasviði verksmiðjunnar sé gætt fyllsta hreinlætis. Svæðið skal lagt bundnu slitlagi eftir því sem þurfa þykir að mati heilbrigðisnefndar Fáskrúðsfjarðar. Verksmiðjunni ber að halda útliti sínu og umhverfi snyrtilegu.
- 1.3. Verksmiðjunni er skylt að ganga þannig frá mannvirkjum og búnaði og haga allri starfsemi svo, að hætta á gerlamengun í hráefni og mjöli verði sem minnst.
- 1.4. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.5. Áformi verksmiðjan að gera umtalsverðar breytingar á rekstri eða stækka verksmiðjuna, skal greina Hollustuvernd ríkisins og heilbrigðisnefnd Fáskrúðsfjarðar skriflega frá því áður en framkvæmdir hefjast.
- 1.6. Hollustuvernd ríkisins getur, að höfðu samráði við umsagnaraðila, lagt til við heilbrigðis- og tryggingamálaráðherra að starfsleyfið verði endurskoðað, ef í ljós koma skaðleg áhrif á umhverfið, sem ekki voru ljós fyrir. Sama gildir ef almennar kröfur, ráð og tæki koma til aukinna mengunarvarna.

2.0 | Varnir gegn mengun ytra umhverfis.

- 2.1. Allt löndunarvatn sem til fellur, skal tekið til vinnslu í verksmiðju.
- 2.2. Verksmiðjan skal hafa aðstöðu til að taka við vatni frá grófskolun lesta til vinnslu, enda sé vatnsmagninu haldið í lágmarki t.d. með notkun á háprýstidælum. Aldrei skal nota meira vatn en sem nemur 1% af lönduðu hráefni.
- 2.3. Flutningstæki sem notuð eru til flutnings á hráefni til verksmiðju skulu vera vökvaheld og viðurkennd af heilbrigðisnefnd Fáskrúðsfjarðar.
- 2.4. Allt hráefni skal geymt í yfirbyggðum þróm eða geymum. Hráefnisþrær skulu vera þéttar og skal allt blöðvatn og annar vökvi frá hráefni tekinn til vinnslu. Strax og hráefnisgeymsla hefur verið tæmd, skal skola hana með vatni. Vatni frá fyrstu skolun skal halda í lágmarki, t.d. með háprýstidælum og taka til vinnslu í verksmiðju.
- 2.5. Tæming hráefnisgeymslna skal vera sem mest sjálfvirk. Reynist nauðsynlegt að nota moksturstæki, skal þrifa þau vel að verki loknu.
- 2.6. Fiskúrgang skal að jafnaði ekki geyma lengur en fjóra sólarhringa áður en hann er tekinn til vinnslu. Hafi hitastig verið undir 4°C meðan á geymslu stóð er heimilt að geyma úrgang í allt að eina viku. Heilbrigðisnefnd Fáskrúðsfjarðar getur veitt undanþágu frá þessari kröfu, ef ástæða þykir til.
- 2.7. Við rotvörn bræðslufisks skal nota viðurkenndan skömmtunar- og blöndunarbúnað. Um styrk og meðferð rotvarnarefna fer samkvæmt reglugerð um notkun rotvarnarefna til geymslu á bræðslufiski, eins og hún er hverju sinni.
- 2.8. Loftræsta skal frá verulegum lyktaruppsprettum í verksmiðju og ræstilofið flutt til lyktheydingar. Loftræsting skal hönnuð á þann hátt, að sem minnst af ómengdu lofti sé dregið með.
- 2.9. Loft frá þurrkurum skal leiða í gegnum rykskiljur með góða skiljunarhæfni og síðan til lyktheydingar.

- 2.10. Lyktheyðing skal framkvæmd með þvotta- og þéttiturni, sem kælir útblásturinn niður, í a.m.k. 20°C og/eða með brennslu lyktarefnanna. Lyktheyðing við brennslu skal vera jafngóð og eftir hitun í lofti í 700°C í 1/3 úr sekúndu. Við hönnun lyktheyðingarbúnaðarins skal tillit taka til orkuendurvinnslusjónarmiða.
- 2.11. Innan eins árs frá því að lofthreinsibúnaðurinn er tekinn í notkun, skal fara fram athugun á hæfni hans í samráði við Hollustuvernd ríkisins. Niðurstöður þeirrar athugunar skal hafa til viðmiðunar varðandi kröfur um viðbótarhreinsun og/eða enn frekari dreifingu útblásturslofts frá verksmiðjunni.
- 2.12. Soðkjarnatæki skulu útbúin fullkomnum dropagildrum. Fylgjast skal vel með því að soðtæki séu ekki ofhlaðin. Allt soðvatn skal nýta.
- 2.13. Framkvæmd skal hreinsun á tækjabúnaði og mannvirkjum þannig að hreinsivökvanum sé safnað saman og hann endurnýttur eins oft og hægt er. Þegar hreinsivökvanum er veitt til sjávar, skal sýrustig (pH) frárennslisstraumsins vera á bilinu 5-10.
- 2.14. Frárennsli úr hráefnisþróm og innan úr verksmiðju skal tengjast í fitugildru og þaðan ásamt öðru frárennsli leitt niður fyrir stórstraumsfjöruborð. Fitugildru skal hreinsa eins oft og nauðsyn krefur. Fitu og úrgang, sem safnast fyrir í fitugildru, skal nýta eða farga á viðeigandi hátt með mati heilbrigðisnefndar Fáskrúðsfjarðar. Fiskimjölsverksmiðjan skal leita samþykkis Hollustuverndar ríkisins um stærð og gerð fitugildru.
- 2.15. Framkvæma skal reglulega athugun á lífrænum efnum í frárennsli. Skal það gert í samráði við Hollustuvernd ríkisins. Niðurstöður skulu hafðar til hliðsjónar varðandi frekari kröfur um hreinsibúnað á frárennsli.
- 2.16. Gengið skal frá frárennsli frá snyrtingum með viðurkenndum hætti að mati heilbrigðisnefndar Fáskrúðsfjarðar.
- 2.17. Lýsisgeymar skulu vera í lýsisheldri þró að rúmtaki minnst 20% af rúmtaki geymisins í þrónni. Séu fleiri en einn geymir í sömu þró skal rúmtakið vera minnst 20% af rúmtaki stærsta geymisins.
Lokunarþúnaður skal vera af viðurkenndri gerð og þannig staðsettur að ekki sé hætt á því að hann verði fyrir hnjaski. Einn loki skal staðsettur innan þróar.
- 2.18. Um frágang olíugeyma og varnir gegn mengun af völdum olíu fer samkvæmt heilbrigðisreglugerð frá 23. febrúar 1990 og reglum nr. 560/1982 um varnir gegn olíumengun sjávar við olúbirgðastöðvar.
- 2.19. Verksmiðjan skal sjá um, að mengunarvarnarþúnaður sé ávallt í sem fullkomnustu lagi. Skal hafa reglulegt eftirlit með búnaði og ástandi hráefnis hverju sinni. Niðurstöður og athuganir skal skrá niður í sérstaka dagbók og skal fulltrúum Hollustuverndar ríkisins og heilbrigðisnefnd Fáskrúðsfjarðar heimill aðgangur að henni hvenær sem er.

3.0 Eftirlitsgjöld.

- 3.1. Fyrirtækið greiðir árlega eftirlitsgjald í samræmi við þriðja flokk gjaldskrár nr. 355/1986 með síðari breytingum.
Gjaldið skal standa undir hluta af kostnaði við reglubundið sérhæft eftirlit Hollustuverndar ríkisins, þar með talin vinna við starfsleyfi.
- 3.2. Eftirlitið skal vera með tvennum hætti: Beint eftirlit mengunarvarna Hollustuverndar ríkisins annars vegar og hins vegar eftirlit fyrirtækisins sjálfs, sem Hollustuvernd ríkisins fær sendar niðurstöður úr og flokkar og metur.

4.0 Gildistaka.

- 4.1. Starfsleyfi þetta, sem veitt er í samræmi við mengunarvarnareglugerð nr. 386/1989 sbr. lög nr. 81/1988 um hollustuhætti og heilbrigðiseftirlit, öðlast þegar gildi.

5.0 Ákvæði til bráðabirgða.

- 5.1. Framkvæmdum við mjölgeymslu, þannig að hún fullnægi ákvæðum gr. 1.3., þ.e. lagfæringu á gólfí geymslunnar skal vera lokið innan eins árs frá útgáfu leyfis þessa.
- 5.2. Framkvæmdum til þess að hráefni sé eingöngu geymt í lokuðum geymslum, sbr. gr. skal lokið innan 18 mánaða frá útgáfu leyfis þessa. Eftir þann tíma skal allt hráefni geymt í lokuðum geymum eða þróm.
- 5.3. Uppsetningu loftræstikerfis frá helstu lyktaruppsprettum í verksmiðjunni sbr. gr. 2.8. skal lokið innan 36 mánaða frá útgáfu leyfis þessa.
- 5.4. Ákvörðun og áætlanir um lyktheyðingarbúnað sbr. gr. 2.10. skulu liggja fyrir innan árs frá útgáfu leyfis þessa.
- 5.5. Lyktheyðingarbúnaður sbr. gr. 2.10. skal tekinn í notkun,
 - a) ef eingöngu verður um þvotta- og þéttiturn að ræða, innan 24 mánaða frá útgáfu leyfis þessa.
 - b) ef um brennslu lyktarefnanna verður að ræða, innan 36 mánaða frá útgáfu leyfis þessa.
- 5.6. Byggingu fitugildru fyrir frárennsli sbr. gr. 2.14. skal lokið innan 12 mánaða frá útgáfu leyfis þessa.

Heilbrigðis- og tryggingamálaráðuneytið, 28. mars 1990.

Guðmundur Bjarnason.

Dögg Pálsdóttir.

REGLUGERÐ

um breyting á reglugerð nr. 501/1989, um bókhald og tekjuskráningu virðisaukaskattskyldra aðila.

1. gr.

Við 3. mgr. 3. gr. bætist þrír nýir málslíðir, svohljóðandi:

Sama gildir, með hliðsjón af viðskiptavenjum, við sölu á vöru til endurseljenda, enda fái kaupandi með vörunni í stað reiknings afgreiðsluseðil með upplýsingum um tegund sölu og magn. Óheimilt er að tilgreina virðisaukaskatt á afgreiðsluseðli. Seljandi skal varðveita afrit afgreiðsluseðils með viðkomandi sölureikningi.

2. gr.

Eftirfarandi breytingar verði á 4. gr.:

a. 1. mgr. orðist svo:

Reikningseyðublöð, sbr. 3. gr., skulu vera fyrirfram tölusett (áprentuð númer) í samfelldri töluröð og með áprentuðu nafni, kennitölu og skráningarnúmeri seljanda.

b. Í stað 2. málsl. 2. tölul. 2. mgr. komi þrír nýir málslíðir, svohljóðandi:

Við staðgreiðslusölu smásöluverslana og þjónustusala, sem nær eingöngu selja til endanlegra neytenda, sbr. 8. gr., er heimilt að víkja frá þessu skilyrði við sölu til óskattskylds aðila. Við sölu til skattskylds aðila er þó heimilt að víkja frá skilyrðinu ef reikningur er að fjárhæð 3 000 kr. eða minna. Kassakvittun, sbr. a-lið 1. gr. reglugerðar nr. 531/1989, um sjóðvélar, skal heft við reikninginn.

c. Í stað „18,03%“ í 5. tölul. 2. mgr. komi: 19,68%.